



ТҰТҚАН Р К К І

ӘЛЕМІ

ХАЛЫҚАРАЛЫҚ ГАЗЕТІ

Газет 2000 жылдан бастап шығады

<http://turkalemi.kz/>

№ 9, 10 (қыркүйек-қазан, 242-243) 2022 жыл



үкіметтерге тапсырма берілгенін атап өтті.

– Әзірбайжан өз аймағында ғана емес, кең географиялық ауқымда да маңызды рөл атқарады. Қазір күн тәртібінде «Орта дәлізді» дамыту мәселесі тұр. Біз де осы форматтағы жұмыстарды жалғастыруға мүдделіміз, – деді Қазақстан Президенті.

Сонымен қатар президенттер екі елдің мәдени-гуманитарлық саладағы өзара табысты іс-әрекетін, оның ішінде Қазақстан мен Әзірбайжанның тарихи және мәдени құндылықтарын ілгерілетуге бағытталған бірқатар бірлескен жобаның жүзеге асырылуын жоғары бағалады.

– Біз Әзірбайжанның көрнекті



25 ҚАЗАН – ҚАЗАҚСТАННЫҢ РЕСПУБЛИКА КҮНІ

13 жылдан соң, 25-қазан Республика күні ретінде қайта бекітіліп, Президент тиісті заңға қол қойды. Еліміздің жалынды жастары бастарын бәйгеге тігіп, бодандық құрсауынан шығуға ұмтылған қыршын ерліктері бүгінгі Тәуелсіз Еліміздің жарқын істерімен жалғасын табуда. Бостандық пен еркіндіктің бастауы болып табылатын осы салтанатты күні Халықаралық «Түркі әлемі» газетінің ұжымы Сіздерге игілік пен бақыт, бақ-дәулет, ырыс тілейді. Бұл күн – сан мәрте БАҚ жазып, халық айтып жүріп жеткен асыл мереке. Бұл күн – ата-бабамыз аңсаған арманның жүзеге асқан, елімізге еркіндік сыйлаған Ұлы күн. Осындай маңызы бар тарихи думанда еліміздің туы асқақтап, келешегі көркейе берсін.

Оқырмандарымызға мықты денсаулық, отбасыларыңызға бақыт, сәтті күндер, зор жетістіктер тілейміз.



29 ҚАЗАН – ТҮРКИЯНЫҢ РЕСПУБЛИКА КҮНІ

Осыдан бір ғасырға жуық уақыт бұрын Анадолыда ұлт көшбасшысы Кемал Атаүркік бастаған шетел интервенттерінің жаулауынан азат етуге бағытталған ұлт-азаттық күрес жеңіспен аяқталды. Осылайша, 1923 жылы 29-қазан күні Түркияның тұңғыш президенті Мұстафа Түркия Республикасын жариялады. Дәстүр бойынша мерекелік шаралар елдің бас қаласы Анкарадағы Атаүркік кесенесінде басталады. Бұл жердегі шараның алғашқы легі мемлекет және қоғам қайраткерлерінің қатысуымен өтіп, Ұлт азаттық күрестің барлық қаһармандарын құрметпен еске алады.

Осы орайда, түбіміз бір, бауырлас түркі бауырларымызды бүгінгі Республикасы күнімен құттықтаймыз! Қазаққа бір асыл сөз бар «Бағалай білгенге бақ қонады, қадірлей білгенге құт қонады». Мінеки бұл асыл сөз біздің бүгінгі татулығымызды көрсетеді. Түркі халықтарының бейбітшілігі мен тәуелсіздігі және қарым-қатынастары мәңгі болсын!



ӘЗІРБАЙЖАН РЕСПУБЛИКАСЫНЫҢ ТӘУЕЛСІЗДІК КҮНІ

18 қазан – Әзірбайжан Республикасының Мемлекеттік мейрамы – Тәуелсіздік күні (1991). Заң жобасы бойынша жыл сайын 28 мамырды Әзірбайжанда Тәуелсіздік күні ретінде, ал 18 қазанды Тәуелсіздіктің қалпына келу күні ретінде атап өту ұсынылған.

Осы уақытқа дейін Республика күні 28 мамырда тойланып келді. Жаңа заң бойынша енді бұл дата Тәуелсіздік күні ретінде тойланады. Ал 18 қазан – Тәуелсіздікті қалпына келтіру күні ретінде атап өтеледі және жұмыс күні саналады. Тығыз қарым-қатнас орнатқан бауырлас мемлекетіміздің атаулы мерекемен құттықтай отырып, өсіп-өнуін шын жүректен тілейміз.

Редакция

ҚАЗАҚСТАН ЖӘНЕ ӘЗІРБАЙЖАН ПРЕЗИДЕНТТЕРІНІҢ КЕЗДЕСУІ ӨТТІ

Азиядағы өзара іс-қимыл және сенім шаралары жөніндегі кеңестің VI саммиті аясында Қазақстан Республикасының Президенті Қасым-Жомарт Тоқаев Әзірбайжан Республикасының Президенті Ильхам Әлиевпен кездесу өткізді. Бұл туралы Қазақстан Президентінің баспасөз қызметі хабарлады.

Қасым-Жомарт Тоқаев Президент өзінің жуырда Бакуге жасаған сапары қазақ-әзірбайжан қарым-қатынасын жаңа деңгейге көтергенін атап өтті.

– Елімізге келіп, саммитке қатысқаныңыз үшін алғыс айтамын. Екіжақты қарым-қатынасқа арнайы тоқталғым келеді. Бакуге сапарым кезінде көрсеткен қонақжайлылығыңызға ризашылығымды білдіремін. Біздің келіссөздеріміз табысты болды және шет мемлекеттердегі саяси және экономикалық топтардың назарын аударды. Біз Әзірбайжанды одақтасуымыз, стратегиялық серіктесіміз деп есептейміз. Әрқашан осы бағытты ұстанамыз, – деді Қасым-Жомарт Тоқаев.

Қазақстан мен Әзірбайжан президенттері қол жеткізілген уағдаластықтарды сапалы жүзеге асыру үшін барлық қажетті шараларды қабылдау жөнінде

мемлекет қайраткері Гейдар Әлиев атындағы көшені ауыстыру туралы айттық. Елордамызда оған лайықты орын бар деп санаймын. Мұндай орын табылды. Мен оны мақұлдадым. Ендігі мәселе уақыттың еншісінде, – деді Қазақстан Президенті.

Өз кезегінде Ильхам Әлиев АӨСШК саммитіне шақырғаны және қазақ халқының дәстүрлі қонақжайлылығы үшін Қасым-Жомарт Тоқаевқа алғысын айтты.

– Бауырлас Қазақстанға келгеніме өте қуаныштымын. Сондай-ақ өткізілген саммиттің оң нәтижелерімен құттықтаймын келеді. Бұл Қазақстанның халықаралық аренадағы рөлі мен беделі жоғары екенін көрсетеді. Ең алдымен, Гейдар Әлиевті еске алып, құрмет көрсеткеніңіз үшін алғыс айтқым келеді. Сіздің сапарыңыздан бері біз жақсы жетістіктер мен нәтижелерге қол жеткіздік, – деді Әзірбайжан Президенті.

Сонымен қатар кездесу барысында мемлекеттер басшылары екіжақты ынтымақтастықтың басым бағыттары мен халықаралық күн тәртібіндегі өзекті мәселелерді талқылады.



TEM TOUR TRAVEL AGENCY
 IATA ACCREDITED AGENT

Әлемнің кез келген бұрышына ұшақ билеттері мен демалу мүмкіндіктері

- Тіркелу және виза жасау
- Үй, офис, жұмыс орындарына билет жеткізу қызметі
- Автобус және VIP-көліктерімен тасымалдау

air astana TURKISH AIRLINES
 Lufthansa BRITISH AIRWAYS KLM

Алматы қ., Желтоқсан даңғылы, 111
 Тел.: +7(727) 2202222 2795900 2720864, Ұялы тел.: +7 701 555 08 36
 Абылай хан к., 71
 Тел.: +7(727) 2793775, Ұялы тел.: +7 701 766 75 01
 info@temtour.net

Астана қ., Республика даңғылы 5
 Тел.: +7 (7172) 439558 439559 439306
 Ұялы тел.: +7 701 203 9690
 astana@temtour.net

Radixact BY TOMOTHERAPY

ORHUN MEDICAL

- Точность воздействия
- Искусственный интеллект
- Эффективное лечение
- Безболезненное лечение

Джем Парлак
 Заведующий отделением Томографии

Абая, 91 3-й корпус 0500000, г. Алматы
 Пн-Пт: 09:00 - 18:00
 +7 777 039 10 70

ҚАЗҰУ – ҮЛКЕН МҮМКІНДІКТЕР МЕКЕНІ

Тоқсан жылға жуық тарихы бар еліміздің ең алдыңғы қатарлы білім ордасы – Әл-Фараби атындағы Қазақ Ұлттық университетінде қазіргі таңда 25 мыңға жуық студент білім алуда. Бұл оқу орны қазақтың жетекші классикалық университеті мәртебесіне ие. Бүгінде елдегі білім мен ғылымның ірі орталығына айналып отыр. Білім мен ғылымның ғана емес, аса көрнекті мемлекет және қоғам қайраткерлерін тәрбиелеп өсірген, азаматтық тұлға қалыптастыру мен шеберлік шыңдаудың да жоғарғы сатысы.

Мұнда ізденушілердің талабына сай бар жағдай жасалған. Әрине, мұны ғажайып әлем десе де болар, ең батысы – талай бала қыранның қанатын қатайтып, қияға самғатқан студенттер сарайы, тарихы тереңде жатқан ҚазҰУ-ды бір сәтке көз алдына елестететін жеке мұражай, заман талабына сай 300 адамдық инетнет орта-лығы бар. Қазіргі кезде университет 37 мамандық бойынша кадрлар даярлайтын жоғарғы оқу орны және ғылыми-зерттеу орталығына айналды. Университетте 2000-нан астам жоғары білікті оқытушылар жұмыс істейді. Мұнда еліміздің барлық өңірінен, сондай-ақ алыс және жақын шетелден келген 15 мыңға жуық студент білім алуда.

Университет тағы мақтанар дүние ҚазҰУ қалашығы тек көрікті ғана емес, еліміздегі жалғыз әлемдік деңгейдегі шәкірттік кампус. Оның аумағында мұражай экспонаттары, Ө.Жолдасбеков атындағы студенттер сарайы, спорт кешені мен стадион орналасқан. Студенттік қалашық толығымен Wi-Fi жүйесіне қосылған. Ыстықкөл демалыс орны мен за-

манауи спорттық-сауықтыру лагерінің есігі демалушыларға айқара ашық. ТМД еліндегі жалғыз үлкен ауқымды Әл-Фараби кітапханасы, жаңа ғимараттар, әскери кафедра технопарк, 5000 студентке арналған студенттер үйі, медициналық орталық пен студенттерге қызмет көрсету орталығының бәрі де білімгерлердің игілігі үшін қызмет етеді. Студенттер сарайындағы өнерлі тәлімгерлерге арналған студенттер клубының дарынды мүшелері талай байқаулардың жеңімпаздары. Соның бірі ретінде «Бақыт» би ансамблі ерекше атап өтуге болады.

Университетімізде дәстүрлі түрде «Жалын» бірінші курс таланттарын анықтау, «Студенттік көктем», «Ана тілі аруы», «Жігіт сұлтаны» сияқты байқаулар жоғары деңгейде өткізіліп тұрады. Сондай-ақ студенттердің көшбасшылық қабілеттерін, ұйымдастырушылық қасиеттерін дамыту мақсатында жастар ұйымдары комитеті жұмыс істейді. Оның құрамына «Сұңқар» студенттер кәсіподағы, Студенттер сенаты, «Көмек» еріктілер қозғалысы, студенттер кеңесі, Болон үдерісі бойынша студенттік бюро, студенттердің ғылыми қоғамы кіреді.

ҚазҰУ – талантты, дарынды студенттердің басын біріктіріп отырған мекен. Бұл сыйластық пен шынайы достықтың, ғашықтардың мекені. ҚазҰУ – адамның тұлға болып қалыптасуына ықпал етіп, оның жан-жақты қабілетін ашып көрсетуіне мүмкіндік беретін құтты мекен.

Жаримбетова Р.Н.
Шет тілдер кафедрасының аға оқытушысы

БІЛІМ МЕН МӘДЕНИЕТТІ ҰШТАСТЫРҒАН ТӘРБИЕЛІК ШАРАЛАРДЫҢ РӨЛІ

Шетелдік студент жастарға факультет туған үйінен кейінгі екінші үйі, ал өздері оқитын топтары олар үшін үлкен және тату-тәтті отбасы болып табылады. Шетелдік студенттер әрқашан оларға сабақ барысында және сабақтан соң бүкіл оқу жылының барысындағы жаңа ортаға бейімделуге көмектесетін өздерінің оқытушылары туралы алғыс пікірлерін білдіріп отырады. Барлық кезде алған білімдерінің арқасында достық, қуаныш және жалпы өзара түсіністік лебі көрініп тұрады.

Кафедрада студенттердің әртүрлі деңгейдегі білімге деген сұраныстарын қанағаттандыру, қызығушылық танытқан таным көкжиектерін кеңейту бағытында әртүрлі іс-шаралар ұйымдастыруды дәстүрге айналдырған. Әр жыл сайын кафедраның студенттері университеттің үлкен іс-шараларында өздерінің білімдерін көрсетіп, өнерлерімен қуантады.

Әл-Фараби атындағы Қазақ Ұлттық университетінде «Айналады нұрландыр», «ҚазҰУ студенті оқуға тиіс 100 кітап», «Салауатты өмір», «Green campus» жобалары табысты жүзеге асуда. Бұл жобалар жастарды азаматтық және рухани-адамгершілік тұрғыдан тәрбиелеуге қосқан үлесі болып табылады. Осы аталған жобалар аясында әл-Фараби атындағы Қазақ Ұлттық университетінің факультеттерінде бірнеше ғылыми-танымдық, тәрбиелік маңызы бар ашық тәрбиелік іс-шаралар өткізіліп отырады. Бұл жобаларды жүзеге асырудағы кафедраның мақсаты заманауи қазақстандық мәдениетті таныту, ұлттық мәдениетті, қасиетті рухани құндылықтарды студенттерге кеңінен таныстыру.

Еліміздегі тарихи-мәдени ескерткіштерді жаңғырту, сақтау, дамыту, халыққа таныту, оларды насихаттау, тарихын жете зерделеу секілді жобалар аясында түрлі іс-шараларды жүзеге асыруда университет факультеттеріндегі клубтар мен орталықтар белсенді жұмыс істейді.

Өткізілген ғылыми-танымдық шаралар студенттерді Қазақстанның тілін, тарихын және мәдениетін құрметтеуге үйретуде өз үлесін қосып отырады.

Факультетте өткізілетін іс-шара, мереке, кештерде студенттер өздерінің алған білімдерімен, өнерлерімен таныстырады. Іс-шаралар барысында өлеңдер оқылып, әндер орындалады, дәстүрлі көріністер көрсетіледі.

Студенттер танымдық-мәдени іс-шараларға қатысу арқылы осы факультетте тек қана білім алып қана қоймай, мәдени іс-шараларға да араласып, мәдени, рухани өсуге болатынына көз жеткізіп отырады.

А. Саденова., Н. Мужигова , С.А.Нусупбаева
Әл-Фараби атындағы Қазақ Ұлттық университеті
Жоғары оқу орнына дейінгі білім беру факультетінің аға оқытушылары

ЖАҢА БАҒЫТ, ЖАҢА БАСТАМА

Әл-Фараби атындағы Қазақ Ұлттық университеті жоғары оқу орнына дейінгі білім беру факультеті жаңа оқу жылын жаңа бағытпен бастады. Факультет деканы ф.ғ.к. Сутай Сәбит Құрманжанұлы апта сайын тренингтер мен семинарлар ұйымдастыруды қолға алды. Атап айтар болсақ, 7-қазан күні «Педагогтік кәсіби моделі», 11-қазанда «Құндылықтар негізінде білім беру» атты семинар-тренингтер ұйымдастырылды.

«Педагогтік кәсіби моделі» тренингінде Абылай хан атындағы ҚазХҚЖӘТУ қазақ филологиясы кафедрасының меңгерушісі, ф.ғ.к., доцент, Әрлеу біліктілікті арттыру институтының тренери, PISA халықаралық зерттеулер, білім мазмұнын жаңарту бағдарламаларының тренери Қоңырова Ақбота Тұрағұлқызы сабақ берудің жаңаша әдіс-тәсілдерімен қатар дәрісханада оқушыларды қосқара білу

сияқты құнды мәліметтермен бөлісті. «Құндылықтар негізінде білім беру» «Білім-инновация» лицейлерімен тәжірибе алмасу семинар-тренинг өтті. Спикерлер: «Білім-инновация» ХҚК вице-президенті PhD докторы Төлебаев Нұрбол Насырбекұлы, «Білім-инновация» ХҚК қоғамдық қатынастар бөлім басшысы Роман Әділетұлы, «Білім-инновация» ХҚК құндылықтар бөлімінің маманы Әлішер Жүнісовтер

семинар-тренингте адам құндылығы жайлы керемет ойларымен бөлісіп, пікір алмасты. Факультет ұжымы осындай құнды ақпаратпен бөліскен тренерлер мен спикерлерге алғысын білдіріп, болашақта жалғасын табады деген үмітпен қоштасты.

Жоғары оқу орнына дейінгі білім беру факультетінің аға оқытушылары:
Г.Т.Тилеужанова, В.А.Габитова

